

壬甲錄





# 壬辰錄

大明崇禎壬辰七月十五日夜 宣祖大王夢中有一將軍  
扶劔被甲自南而來叩門大呼曰 王宿耶否 王曰誰也  
對曰我古漢中關雲長也明日 王之國有大患風雨到於光  
陵漢陽以東擾亂兵起人火絕矣何其塞偃歟睡也 王推枕  
驚起四顧無人但見火星煌煌而已毛髮盡豎縮頭就枕良久  
又呼曰 王不信吾言耶國內擾亂指日可待矣 王再拜  
曰何為而然也無乃臣子之作孽耶曰不然即今倭僧叔舟  
刻木為萬古名將藏于籠中明日午後南門載來也矣願  
王伏兵其處縛其僧燒其籠若不然則籠中之刻木為將者  
宛如人狀呼之則各率其兵變化無窮雖億萬軍兵豈能當乎



王請勿疑焉 王大覺驚起乃一夢也將軍言語恍然在耳哉

已東方欲曙即命五軍門大將入見大將崔致白入見 王執

手言曰今日午後南門外有一僧載籠自南來矣君即伏兵

其處結縛其僧此乃倭僧叔舟也君勿泛焉致白乃奉命而

出伏兵於門外是日午後果有一僧載籠南來遂發兵縛其

僧亡慨然下淚曰此乃關羽之事也昨日呼之則不動矣

刻木為將試之

呼之則他將皆以音應而獨關羽不化 安知今日有此變也惜哉若非關羽則雖天下

之兵奈何遂自殺開籠視之則果有刻木為人背上刻千萬古

名將之名也於是令國中勅修戰備時則九月初三日壬午也烽

火自巨濟來而通云倭船百餘柁昨日泊于赤山島遼所過郡

縣無不殘滅 王晝夜涕泣不已矣即命忘憂堂郭再



佑將兵二萬直守烏嶺關又命慶尚道晉州節度使崔慶  
浩金千鎰柳惠益將兵三萬戰拒倭卒各分八道出攻不利矣  
倭酋平秀吉直據烏嶺關烏西飛據平壤賀羅北直渡  
漢江是時郭再佑與平秀吉接戰不利登夏山火旺山  
使修戰備倭將北地將兵自靈鷲而歸再佑使裨將安  
澤令被朱衣而呼曰甬向甬來峯三呼之瞻之在前忽然在  
後去來若飛北地望見曰此神將也遂屯兵於火旺山東角  
門外十一月十六日夜半北地作偈人投城中大軍盡驚墮  
地死者過半矣再佑收兵遁走京師是時金崔柳守晉陽  
城不出倭將昔宗老圍城一月觀察地勢曰晉陽易與耳  
遂擁水灌城三不浸者三版民無叛意灌水三日宗老結草



為人癸巳正月初五日以投城中。老姬拍掌大呼曰：倭入城矣！城中士卒一時大驚，自投城下。灌水中。城門自開，倭卒遂壞城毀堞，放兵四劫。崔金柳三壯士拔劍大呼曰：天運如此，今將安之？慶浩、匹馬、單騎躬犯賊前，奪取倭將龍泉劍，負劍送故舊金羅道樂安邑。登樓作詩曰：矗城樓中三壯士，一盃笑指長江水。長江萬里流滔滔，不揚芳魂不死題。畢三壯士皆墮樓而死。倭將遂饗軍賚功，與晉州妓生論介。即慶浩妾拔劍對舞於江中。石上論介作歌曰：風飄三芳舞袖，翻江出易方。舉目淒彼校童，芳不與我好。嗚呼哀哉！此何天地！日暮道窮，世事悲矣。歌罷，遂抱倭將之腰共墮水中。宗老欲奮身而出，論介曰：不死不舍，遂死於水。是日即癸巳春三月初日。倭將賀羅北犯漢陽，燒大關，以東放兵四劫。王大驚，廣問于朝曰：今者兵火古來無比，何



以存社稷奉先廟于羣臣皆曰倭酋平秀吉清正島西飛  
賀羅北之用兵雖司馬穰苴未過莫如請獻降書順且  
無事臆決唱聲萬口一談獨李恒福李德馨李廷龜進曰  
今若請降及聞中原兩禍并至豈可以妾質為臣王曰  
然二三子惟同吾意何敢不力遂避賊北漢寺中倭卒遂  
入城中慄悍猾賊不可具狀於是鰲城大君李恒福鶴  
峯先生金誠一見于王曰于今倭勢非天力無以制臣  
等請赦中原王曰諾遂命金致敬作請救文其畧曰朝鮮  
國王臣某頓首泣血百拜上書于皇帝陛下小臣待  
罪東方七八世矣以陛下愛恤之澤惶々奉職不意今  
者倭賊來侵風雨迫於先陵烽火連於祖廟江山雖奮一



拳之勇天地實深百代之讐淚當撒泉心失魂身雖免  
倭鼓之襲何由見太平之聖化所謂倭首平秀吉鳥西飛  
出魂爭戰變化無窮意在千里假途一隅直守平壤其意  
難測伏願 陛下愛之恤之大命西河之蟻以救轍涸之魚以  
示神明之威則父有愛子之心子盡事父之孝矣豈不為天  
倫之理哉伏願委察焉

餘詳見於  
東國史記

題畢遂發行時春三月十

三日恒福德馨果足千里夜行晝息

以倭賊遮  
路故也

至於中原見

於天子曰小臣之國倭卒來侵至於左衽之境伏願 陛下下

神明之威則生當殞首死當結草且倭漢之意非但朝鮮實

在大國其將奈何伏乞念之 天子曰朝鮮八年兵戈天地之運

也朕雖送兵終無益矣汝且無言敢報汝王頓無許兵之意留



連十餘日 天子聞之責其不歸之意大君執先生之手痛哭  
曰期日遷延 王必待矣君則留此我則改報朝鮮見賊勢  
復來嗟呼國破君亡吾等何面目復還故國也遂別歸  
是時先生叩頭九重門外泣血七日 天子曰誠一為國  
之誠為感天至矣遂命金以成將兵五萬以救朝鮮是時  
恒福還國見王以不許之意告之 王下床泣曰吾之國家  
存止都付先生之手矣何知今日有此落膽之說也先生不  
思勞苦復往中原千萬伏望耳恒福再拜曰雖磨頂放  
踵豈遠千萬里哉遂裹足治行晝夜馳往矣癸巳六  
月十七日至平陵無人地境四十里日色晦暝風雨暴至  
咫尺不辨自決必死矣遙望一處燈火耿々直往其處乃數



間茅屋之中有一老妪出門欣迎曰君在何國荅曰我朝鮮人也請救次入去中原道遇風雨幾至死境幸以到矣  
妪笑曰許多村落焉往不可到此卑陋之家乎荅曰日已暮矣  
風雨如此今將安往妪且勿忌妪曰有何大事晝夜促行荅  
曰我國倭卒來侵至於破國之境何惜晝夜之行乎妪曰勿  
為多言入房中大君開門視之則有一將軍杖鉞而立即出  
門外再拜而問曰彼何將軍立於房中耶妪拍掌大笑曰君  
且勿懼此乃中原名將李如松之畫像也大君獻拜而跪曰此  
將即今生存耶妪曰雖存方今伐高奴五月不返矣曰何由將  
此畫耶於是妪執手就席曰朝鮮兵火天之運也然若得此將  
庶幾圖之君買此將畫像耶妾少時家產萬金盡散其財



但買此畫以待君者久矣須買此畫獻于天子以請此子  
若不然則君之國內無遺種矣且天子見此畫則必問所  
出之處也君荅曰臣來時至江陵子午谷則有童子遺此  
畫矣如是荅之可也君且勿泛信听吾言大君於是以前  
兩買之遂辭別而行日已明矣至數十步而回顧則姪忽不見  
但有一大岩而已遂至中原則先生已請兵矣大君見以成之  
象歎曰此將雖去小無益矣入見天子曰臣見以成之象非  
大將之材也請許他將以救之天子曰國內無有優於以成  
之材也大君跪進畫像曰請命此將以救之如何天子大  
驚曰此畫從何出也大君一如老妪之說荅之天子曰曾  
自子午谷雨氣如炬矣安知今日有此奇事乎汝之國運



以此觀之則天所助也朕之干城之將李如松之畫像也何送  
萬里外乎汝且無言與以成具行先生伏地叩頭吐血數斗曰何  
惜一將以棄東藩之國乎天子覽誠一之誠不惜萬金之財也  
而伐匈奴五月不返先生曰匈奴伐之可也不伐可也至於小臣之  
國危在朝夕度刻如三秋伏願陛下急班師之詔天子默然  
良久曰命如松之弟如柏伐匈奴卽召如松還如柏遂至北邊以  
此意告其兄如松曰歎曰使我若由五月盡滅匈奴也以其弟兵屬  
其弟悵憤而歸見于季子曰卽今朝鮮倭卒來侵至於破國之境  
百爾思之計無奈何惟我將軍能成大功天子明日出送南門外  
如松曰朝鮮兵火天之運也臣雖往矣終無益矣不如不往天子曰將  
軍度用幾萬人對曰非十萬無以制之天子命鉄騎十萬各賜銀



千斤曰汝等今往朝鮮能成大功則朕不惜萬金豈特千金  
哉如松曰臣往朝鮮見其王像若不肖則卽班師矣遂將  
兵發行如松未成北伐之功每一念常怒謂大君曰豈可無  
端啓行耶汝得龍肝以獻之若不然則斬汝班師矣大君遂  
至白馬江邊焚香祭天曰嗚呼冥冥太空使此恒福復見太平  
聖化以復君臣之義遂痛哭于江邊一晝夜有一龍出見舟中  
大君曰汝欲遺我肝來耶龍搖尾叩頭大君遂拔劍斬之出  
肝以獻如松大驚曰此神也以爲餉軍使者是時九月初十日也  
至鴨綠江邊望見天氣倭氣森天無一點旺氣遂屯兵於江  
邊十餘日望平壤老峯山上有白旂翩々問于大君曰此  
乃倭賊覘大軍矣如松出令曰今日破此賊饗軍遂發兵



馳往倭卒見如松之軍遁去遂逐之大君違食霜朝太半  
仆路如松大怒曰餉軍使者今尚在卽令斬之大君大懼揮  
手見先生曰我卽餉軍使者因見如松大怒曰汝不餉軍  
奚適卽令斬之先生曰小將朝鮮領相安爲餉軍使者將軍  
能成大功雖斬領相可也若不然則不可使聞於隣國也如  
松曰但尋餉軍使者不尋朝鮮領相也餉軍者誰也荅曰  
李恒福如松曰然則君出去引恒福拿入大君入見如松大怒  
曰汝不餉軍而焉往卽令斬之大君曰此何言也餉軍久矣如  
松曰汝何時餉軍言耶大君曰若不信則呼諸軍問之可也如松  
遂問士卒則皆已餉矣如松終無奈何反爲與謀軍事蓋大  
君揮手先生而先生與如松詰難之間軍已餉矣如松屯兵二十



餘日倭酋平秀吉鳥西飛據平壤絕道是時十月十日也如松  
壁天氣曰慶尚道高靈居金德齡乃天出之將遂以牌文傳於  
王曰高靈縣金德齡當刻內治送事王見牌文即下令高  
靈官索之則果有德齡者急招之德齡即日抹馬馳到鴨綠江  
夜已深矣計其里數則一日行者乃二千里也明日鷄鳴初入見如  
松三曰吾召君者欲行大事耳君能听之耶德齡再拜跪  
曰小將身雖死矣國事危急安敢避死請奉命矣如松大  
奇之執手拊耳語曰即今君之國內殺氣衝天倭酋鳥西飛  
直據平壤敗路頓絕且西飛出魂爭戰變化無窮其將奈何  
若斬西飛則其餘無患矣君能斬之耶德齡曰請往斬之以報將  
軍之令矣遂上馬揮鞭叱其馬曰今此行能成大功汝雖畜物有耳能听



大江在前汝極力飛渡此江於是馬向風大嘶搖尾而躍渡直至

平壤所親妓生花月之家

德齡平壤監司碑  
將時所親妾也

花月則倭將島西飛守廳

次入去但有花月之母春桂也春桂曳袖入房附耳言曰當此亂世  
有何故而來耶仍相對掩泪嗟歎不已德齡曰吾別以後花月  
容兒每入夢想故當此亂世恐不復見而死故不遠千里而  
來矣今安在哉春桂曰花月今倭將守廳而入去明日午後  
當出來然小人之嗟歎慈母之間恐有不忍之事故自然流涕  
矣將軍即隱於房內見之可也德齡屏息被衾隱於房中明日  
午後出來德齡窺簾視之則果巧笑丹唇欲吐之花含態粉面  
初生之月倭卒十餘名前後擁衛以玉輦侍御而出恍若地上仙  
女也其母附耳言曰高靈金碑將欲見汝昨日至此矣花月遽大怒



曰金裨將何許人也吾所不知即命倭卒乘輦而去謂其母  
曰明日釀酒殺牛吾當復出仍即入去德齡抱憤默坐俟其出而  
欲殺之明日午後果然復出問其母曰能辨酒肉否曰辨矣花月  
乃召倭卒曰汝等來此久矣能知飢餒而前無所償給矣吾今  
日欲饗汝大辦酒肉皆就座飲酒倭卒大喜厭食醉飽倒卧庭下  
不省人事於是花月入房中執德齡之手曰將軍何以到此應有所  
意勿疑言之德齡笑捫其乳以雜談言之花月曰小人身雖賤妓  
曾與將軍已許心情久矣將軍以實言之若圖大事非我而誰  
也德齡遂抱花月同卧附耳言曰今我此行意在烏西飛也花月  
曰然西飛萬古所無之將也利劍強弓不入其身其知如神其力  
如山變化無窮今知將軍必來城隅四方懸鈴數疊雖飛鳥

不得入也其將奈何德齡曰然則有何奇謀入也花月曰小人先  
入東門一隅襲其鈴矣將軍初更來則庶可圖之德齡曰唯花月  
已定約束乘輦入去是日夜初更花月以大小便頻出城隅以禱  
線盡塞鈴口坐於西飛之側以待德齡之來矣德齡即逾東門  
鈴盡無聲即入廳上花月出門曰將軍無事入來耶曰然西飛  
安在花月曰方連平壤客舍內為拔劔而立皆如子龍蓋德  
玄德馬超孔明等八十餘將宛如入狀矣君且勿疑但隨我  
而來遂入房中果然如此之將多矣至近房有三人就席邊有  
一人兀然跪坐側目視之德齡直入房中西飛之劔自拔而向德齡  
遂抱其柄問花月曰西飛就是花月指跪坐人曰此乃西飛方深睡  
矣德齡曰何怒眊也花月曰其自翻之則深眊不翻則不眊矣德齡坐側



視之則其目果顰矣而額下金鱗大且多矣德齡遂以足蹴其曼  
則西飛欠伸揮手金鱗皆逆起德齡以劍斬首超出邊房西飛急  
然起立拔劍擊樑無頭者能如是則其勇畧可知於是軍中  
大驚德齡將騰空而出花月把其袖曰將軍勿起斬我頭持去  
今西飛已死妾與君同去則皆云西飛之死以妾謀矣禍必及  
於父母矣請勿疑訝而斬之德齡流涕斬之出其家則不忍悽悵之  
懷口難說其母問曰將軍必斬吾兒頭來耶其將安在德齡揮泪  
與其首母以紅裳欣然受其頭以燒酒一危勸于德齡曰將軍  
急飲發行遂立而飲之即時發行大抵花月雖云賤妓可謂忠  
孝無金矣於是德齡西飛之頭掛於長鎗上馬渡江以獻西  
飛之頭諸將皆疑之獨如松見之下床再拜曰吾已知君斬首

來矣昨日有鳥西飛吾欲彎弓射之墮于空中此乃西飛之魂也如松益大奇之留之數日如松望見慶州鷄林山上紅氣泛天喜曰此乃王氣也是日直駟平壤倭卒失將吁泣之聲如春澤蛙聲也如松將伐倭陣中有一人呼曰朝鮮小將金德齡爾聽吾言喜去年初來時將軍鳥西飛謂我將卒曰吾必死於德齡之手送我斬汝頭而來云故我到汝家則汝以少年喪人方牀上故吾不忍斬之但取汝頭銀鑲子而來獻于將軍曰小將斬首來中路遺失只有此銀鑲子云則將軍大責曰此何言也唯有不信之意不意今者有此變也出示銀鑲子曰此非爾頭上物耶背恩忘德何其若是耶又呼如松曰寧闔智不闔力何遺刺客斬我將首乎又呼德齡曰汝若死吾劔則收兵而去不然則雖千萬年億萬



年何可憂也朝鮮諸將皆曰何惜一將之命遽見一國之亡乎  
不如出給以悅倭人之心也如松曰君等薄情之人也如此名將何  
送死地乎德齡自請曰小將雖死請當其銳如松曰此萬古忠  
良之臣也乃賜嚴身甲遂被甲上馬右手執龍泉劍左手  
執日月紅旗大呼曰我金德齡也爾能何為倭卒曰更小進德  
齡鞭馬小進倭卒大發幾至身邊遂墮馬佯死倭將曹達  
以謂德齡死矣遂欲斬首拔劍騰空而至馬前德齡促起拔  
劍斬曹達之首高掛龍泉劍頭遂還本陣如松拍掌大笑曰  
壯哉德齡之勇也一身都是膽也倭卒見曹達之死皆失聲  
大哭曰昨日失大將今日失亞將我等生不如死何面目復還故  
國乎遂開門迎戰如松直駢陣中大破倭卒纔有二十餘部

收兵遁去如松追北又破武開山城斬首三千餘級是時甲午月初三日也是日夜半王夢中有一將軍大呼曰王能知我乎向日夢中來闕雲長也王再拜曰有何故而又到陋鄙之地也曰即今平秀吉陷慶尚道郭再佑束手無策地北據忠清道金誠一偷生賀羅北欲陷京師不若還宮王曰雖欲還宮羅北遮其將奈何曰吾明日自空中為先鋒矣王從後入宮曰諾遂下還宮之令出兵向京師雲霧蔽天自空中鳴鼓而導前所向無前斬首二千餘級王無撓還宮羅北傳檄于秀吉曰此今日之戰神兵擊之故既敗軍士其將奈何秀吉曰此乃闕羽之事也殺白馬洒洒陣中迎戰可也羅北見檄書即殺白馬洒洒陣中神兵不復動矣王復為羅北所逐又避于北



漢寺中乙未正月初八日也如松與恒福德馨德齡入見王王下床  
再拜如松見王之像曰此人間不用之像也如此兵火必然在耳遂  
欲班師王聞之登三角山呼天痛哭曰嗚呼皇天即亡朝鮮何由  
復見太平聖化日出而哭日中不止如松聞之大驚曰是誰哭也德  
齡曰小將國王聞班師之令如是痛哭也如松曰見其像不似人君聞  
其聲真蒼龍聲也遂屯兵於少沙浦命金德齡為先鋒將以恒  
福為亞將以再佑為領軍使者分送是日如松與王圍碁良久  
日已午矣如松推枰而起失色踟躕曰吾軍何以然也遂拂甲上  
壇佇立良久復與圍碁欣然拍手曰見勝必矣王曰何以知之曰  
俄者見王之碁安而整陣我之碁大亂相失今者觀王之碁士卒  
大破又喪師見捷豈不期乎而已德齡獻捷書入見如松曰今日之戰

君等勞苦倍於前日德齡揮汗跪曰倭卒鑿池筭于沙頭倭卒  
多步兵能遁走而易躍大軍之馬欲躍而幾至敗矣小將直馳十里  
外則更不鑿故大破之斬羅北之首其餘盡坑於沙頭如松大讚之於  
是大饗軍分功士卒飽而歌曰馬騰於槽無不當百是時地北據忠  
清道洛賀昔據全羅道殘害人民朝鮮數戰不利於是命金鶴峯  
金德齡將兵三萬討北地命再佑將兵二萬伐洛賀昔分道出攻德齡  
至忠清道忠州屯兵達川江邊欲覘倭陣以匹馬單騎出去為倭  
卒所捕乃慨然歎曰命盡今日遂墮馬泮死倭卒大喜曰今日  
如報烏將軍之讐言矣結縛歸陣德齡入陣中奮身而起  
拔劔大呼曰蠢蠢倭卒爾能何為但見其死未知其生者也  
因我到此卧而成功之南之北所向無前死者以千數北地望



見曰此飛將也唯我士卒從鼓聲而圍之庶可斬之遂上壇鳴鼓  
圍之重德齡大呼曰非天力不足憂也斬首五十餘級北地授旗并  
鼓收兵遁去德齡遂逐之觸處無前大軍見之并鼓噪而進大  
破之斬北地之頭其餘散卒皆遁去慶尚道丙申正月日德齡奏  
凱如松言曰壯哉德齡之勇也若生中原才倍於我矣是時七道  
安定獨慶尚道酷被其禍人火絕矣如松直向慶尚道而秀  
吉據鳥嶺關道路不通遂進軍渡漢江兵火之餘舟楫盡朽  
幾不能渡如松祝天四舊朝鮮王運在此一行遂號令軍中直馳  
渡江水中絕乃無事渡江而至鳥嶺山下倭卒望見天下如注  
幾敗軍士如松問于諸將曰何以上山討之再佑曰莫如用韓信  
通古道之術伐木連棧前條後破以示死意如松曰諾遂伐木

連棧進上軍士魚貫而進乃至山上秀吉曰此天運遂下山遁走慶關如松大呼曰蠢倭卒甬能何為遂鼓譟而下秀吉收兵入青松是時三月初九日如松遂陣于青松縣西與秀吉接戰秀吉刻木為士卒恍若人形如松直向擊之瞬息間木卒在後四面攻之如松大敗士卒亡者過半矣倭卒乘勝攻之如松退守仁同秀吉屯天生山城化為鵲入青松之陣如松見而大驚曰此鵲即平秀吉也遂拔釘逐之秀吉啟語曰如松天出之將也不可易破遂收兵而去如松以精騎逐之秀吉陣于架山之城之北畱之一日秀吉雲霧中藏億萬軍兵欲龍襲擊之如松望見天氣令軍中曰今日有大事惟我諸軍咸聚一處束手向天德齡入見曰有何故耶如松曰君未知此雲乎德齡曰不知也如松曰此雲中有



億萬賊兵也德齡曰然則秀吉安在曰此也德齡以龍泉劍踴躍四十餘丈而刺之雲中秀吉墮于陣中而死倭卒盡散遂大破之丁酉正月初八日夜如松夢中有一將軍呼曰將軍能知我乎如松曰誰也曰我漢中關雲將也今此倭卒幾能制之然倭卒更欲水戰則將軍不習其將奈何如松再拜問曰然則奈何曰全羅道巡州李舜臣水戰名將即拜大將則成大功矣如松覺之乃夢也即時馳檄于巡州則果有李進士舜臣者也直拜大將位在德齡之右德齡憤然不決矣此時倭卒傳檄曰今番水戰如何如松曰諾舜臣謂如松彼素悍勇其鋒不可當也以德齡為裨將以再佑陣于多大浦誠一陣于龍山浦將軍陣于蔚山關各堅壁不出是時五月初九日也倭卒陣于統營三將張始澤赴陣死舜臣與德齡

陣于統營海口德齡終憤然不已十五日舜臣令軍中曰今夜必有大事惟我士卒各把烏檣秋千而立將卒皆恠之倭船中果有火箭飛入舜臣立于烏檣之上以足蹴之火箭還墮倭船而燒者數十柵德齡見之以爲神自此厚待之十六日夜舜臣又下令曰惟我士卒各執刀鉞達夜叩船朝日視之則人脂滿船蓋倭卒欲覆大軍船潛水執艦以刀鉞斫之故皆斷指不得售計矣七月十九日傳檄倭酋曰明日決戰勝負如何曰諾遂回船接戰舜臣立于船頭援抱鼓之兵刃既接良久倭卒知舜臣親鼓之以小丸中舜臣三論死脫衣贈其子百鐵曰汝衣我衣汝鼓我鼓勿發我喪仍而不起百鐵遂掩尸於船間衣其父衣立於船頭鼓之如其父倭卒望見曰此神將也死而復生鑿山通道引船而遁去



多大浦遇再佑見敗之又遁去蔚山遇如松殊死接戰戊戌正月初五日倭卒出姦計投金於大軍陣前大軍爭撿際倭卒自決必死因襲擊之唐軍死者萬餘名矣如松遂奮擊之倭卒半死半生鑿山而走還其國蓋倭卒來時億萬餘兵去時纔有三萬餘兵時平秀吉年十五歲島西飛年十三歲皆死於德齡之手如松已平倭亂歸中國見朝鮮山川靈氣皆斷洳脉矣其要害四月斷矣之害甚於八年兵火也戊戌十月如松班師踰鳥嶺關頻南父老殺牛置酒謝其勞苦之恩皆餞送之如松遂至京師大饗軍賚功將軍咸集少長畢至如松欲因其勢有將奪王位之志是日也有一少年騎青驢巡行陣如松大怒曰當此賚功之日如何為者犯馬若是也遂令德齡捕捉之

德齡將欲捉之則少年坐於馬上以鞭指曰汝執此鞭遂執鞭則少年以手揮之德齡墮於馬下還告如松曰大怒遂拔劍逐之至太白山下日已暮矣如松遂失路同知所指隨其少年至一處則峯巒疊嶂溪壑深澗但有茅屋之下已而屋外億萬神兵羅列左右諸將擁衛之狀況若鴻門宴之威儀也如松見之汗出沾背將有隱逃之計而忽有一將軍以鐵鉗掛於如松之項拿致壇下上有一將軍乃施號令曰汝既奉天子之詔而不惜萬里之勞苦竭心盡忠以救朝鮮道理可合而何由八年兵火之餘人道出靈氣血脉斷矣之害甚於八年之禍矣汝且留陣鴨綠睥睨朝鮮罪當梟首於我陣之中矣又將有禿禿之意何以得生如松惶惶再拜曰小將謹奉天子之詔以救朝鮮即還故國可也而罪犯此境



寸斬無惜以小將之庸才天子誤視其萬人之敵特賜十萬之兵以救朝鮮小將特率十萬精兵屯陣鴨綠江使朝鮮將金德齡李舜臣兩將出攻八道以制倭賊實皇天救助之幸也非小將之功也小將睥睨神器斷矣血脉之罪萬死無惜而伏乞大將萬分安徐特下還故國之令則豈可以時刻違令乎然則大將德澤誦乎天子之下矣神將曰汝罪甚重然既奉天子之詔辛苦於八年之間故貸汝之罪領軍促行急還故國如松受命頓首百拜僅免其禍脫出陣外回顧將壇但有千峯重閉萬壑深鎖矣如松還陣即時拜別於國王辭其屯陣還歸中原

### 甲辰錄

甲辰年者乃壬辰十三年後也平安道洛山寺有西山大師老胸

中能抱六韜三畧天文地理一日望見天氣則倭漢以壬辰之讎復興甲兵有欲伐朝鮮之氣自念此時倭賊若更侵則難保社稷必矣吾雖入山為僧既食東國水土則豈不輔國事乎即日遂著七寶之袈裟曳六環杖之神筇入于京城見左部承旨曰願見大王為我稟告如何承旨以此意告于王王即命入見大師入謁王曰汝有何故至此乎大師對曰小臣素居平安道洛山之僧也越在壬辰之世殿下雖困於倭亂小臣以山僧之教不輔國事萬死無惜王曰汝以山僧能思國事善哉王因問曰汝實有何故而求見我乎大師對曰小臣觀天氣則倭漢以壬辰之餘讎更有侵伐之意今若更侵則姜弘筮已死金應世已遠誰能當此難乎莫如先備之王驚問曰誠若大師之言有何奇謀入也大師奏曰小臣有上佐四明堂



者能通八萬天莊經又能使鬼神變化無窮願之使臣一送日本則  
可降也王直命四明堂來見四明堂入見王曰聞汝師之言知汝之才不  
惜一時之勞入于萬里之國能成大功而歸耶四明堂伏地奏曰小臣雖  
居山中既食東國水土則何惜一時之勞貽害萬民也願安承教  
王大喜即日以四明堂為奉命使臣命送日本四明堂謝恩發行  
遂傳列邑列邑無不趨令待候於境上獨東萊府使宋敬不出曰  
許多俗人何不定使而以山僧為使臣取笑於萬世之後也留之三  
日終不出見四明堂不勝其忿即令武士拿入數罪曰吾受王命不顧  
死生入於萬里他國則如汝之漢不顧國家徒嗜爵祿無異倭漢即令  
斬之啓文發行遂至東海上有黃龍挾舟而行不數日泊舟於日  
本之境矣遂送先文曰朝鮮使臣四明堂生佛入來矣倭皇見

先文會議朝臣曰如彼朝鮮之國豈有生佛乎此誑我也禮部  
侍郎芮寬曰世事未可必也莫如先試之三百字間屏風寫  
一萬九千句設於東門之東炳燭於西使其僧乘昏馳入舍後  
請誦屏風書若誦則是乃生佛也不誦則殺之道猶在臣等  
之手矣倭皇如其計命設之黃昏使四明堂馳入四明堂知其  
計乃入城中倭皇出迎禮畢定舍後問曰君若生佛則能誦所  
過處屏風書耶四明堂既是生佛則何患於如此屏風書乎自是  
夜三更之後已翌日午時之末盡誦乃一萬八千九百字也倭皇曰何  
不誦一字也對曰不見也遂查其屏則一間為風所合果不見也倭  
皇悅首默然會議諸臣曰朝鮮使臣果是生佛何以制之有示  
臣奏曰無以則有焉前有三天之淵明日招使臣使銅榻命坐水上



則彼雖生佛溺死必矣倭皇然其計招四明堂曰既是生佛則以此銅榻坐水上乎四明堂豈憂如此之水乎以銅榻投水則果浮矣遂坐其上誦八萬大莊經之南之北宛在水之中矣倭皇大驚曰此真生佛也歸語其臣曰彼使臣計將安出又有一臣奏曰明日特設大宴以緋緞綿紬白木五色方席設於其中即召四明堂彼其生佛則就臬席非生佛則就緋緞席若就緋緞殺之非難也王如其言如是設之而招四明堂言即入坐白木之席倭皇曰何不就緋緞也四明堂曰如我之僧既是素人則衣之食之皆以素鮮是以就白木倭皇有口無言遂罷宴而歸語其臣曰實是生佛奈何臣吏部尚書董昌傑曰雖生佛有烹殺之道以銅為冢以絃塗內外招入之後以大鎔四面吹之則自然燒盡矣倭皇曰諾命設銅屋招之後入四明堂言知其計以雲字寓於壁上以水字

而席因誦八萬大莊經外雖燒流內則寒如冰庫矣明日倭皇大喜  
曰朝鮮使臣應燒盡無餘矣命武士往視之四明堂眉凝寒霜髯  
垂堅冰兀然端坐而責武士曰曾聞日本之暖矣何其寒冽之若是耶  
武士惶恐奔告于倭皇<sub>三</sub>大驚曰朝鮮使臣不死於銅屋之中此外亦  
無奈何更有一臣奏曰明日鑄鐵馬以銘吹之則鐵馬及為火馬之後  
命使臣乘之馳駟一場則自然焚死矣倭皇又如是設之而命乘  
之四明堂自度五計之中甚難遂向朝鮮四拜誦經號令雙龍黑  
雲忽起雷霆大震雨下如注波瀾滔天城中溺死者十分九之倭皇  
及諸臣大恐不能轉盼矣四明堂號令倭臣曰速斬汝王頭來不然  
則使汝國將成東海無遺種矣又號令雙龍曰爾等速入皇闕坑盡  
丹階雙龍聽令益下雨大闕漸至於傾頽矣倭皇不得已以印綬係頭而



來百拜上父子之降書四明堂不受曰汝若保殘命則以人皮三百竹  
年三朝貢之意脩上降書倭皇不得已脩上人皮三百竹貢納之降書  
四明堂受獻而使其臣解其係頭之綬請倭皇命坐曰汝以何意擾亂太平  
之世而殺我無辜之民又何意伐朝鮮而至於見敗也我國大王聖德仁風  
盈溢四方名將雲集且生佛一年所生者以千數他日若有叛意則千  
數生佛一時俱來盡滅爾國矣倭皇再拜謝曰雖蠢豈敢違令乎  
遂設大宴終日謀樂而罷明日遂發行倭皇餞送于百里之外多  
獻禮端四明堂却之不受曰生佛無貪心姑舍寶貨之貢以貢人皮  
可也遂發至海上兩黃龍挾舟而行瞬息間泊舟東萊境遂下船入  
城中人民無不稱讚矣封降書先送京師見於王王執手大讚曰  
如此功勞萬古所無以西山大師為兵曹判書兼副護衛大將軍以

四明堂為判議禁兼都元帥二師伏地奏曰以此小功受彼貴爵如  
天聖恩死而難忘遂就爵三日辭歸曰願入山中以修佛道是所  
願也伏乞聖賜適職之詔以為山林之樂千萬伏望 王雖有缺然  
之心而不得已適職二大師謝恩垂名千秋是時倭皇以人皮貢三  
年而不能堪當作關東菜人皮三百竹代納真鐵三萬六千斤未  
錫二萬六千斤銅鐵三萬六千斤年納也中原天子見朝鮮受  
降日本之書大喜封朝鮮國王為金紫光祿大夫而稱讚三國矣





三原縣中興錄終



第

以國

自

第

第

第

以國

自

第

第

第

以國

自

第

第

第

以國

自

第

第

第

以國

自

第

第

第

以國

自

第

第



